



Broj predmeta: 13-000594/21
Broj akta: 01.1-1413EK-0015/21
Datum, 25.5.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-000594/21 od 24.05.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke po provedenom otvorenom postupku za nabavku radova na izgradnji objekta Gradski stadion, a prema zahtjevu za nabavku Odjeljenja za javne poslove Vlade Brčko distrikta BiH, koji je proveden na osnovu Posebne odluke o pokretanju postupka javne nabavke broj: 13-000594/21 od 25.02.2021. godine, Obavještenja o nabavci broj: 1157-1-3-140-3-198/21 objavljenim na portalu javnih nabavki dana 25.03.2021. godine iz razloga što nijedna od primljenih ponuda nije prihvatljiva, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke.

Obrazloženje:

U postupku javne nabavke radova na izgradnji objekta Gradski stadion, a prema zahtjevu za nabavku Odjeljenja za javne poslove Vlade Brčko distrikta BiH dostavljene su sljedeće ponude: „BIJELIĆ GRADNJA“ d.o.o. Brčko i Grupa ponuđača: "TIM COMPANY" d.o.o. Brčko, "MAEL COMPANY" d.o.o. Beograd, "AS GRADNJA" d.o.o.Brčko, "GRADITELJ" d.o.o. Brčko i „ KGH INSTALACIJE" d.o.o. Brčko. Oba ponuđača su priložili traženu garanciju za ozbiljnost ponude. Nakon detaljne analize ponuda Komisija je ustanovila da su dostavljene ponude prihvatljive prema obliku, sadržaju, potpunosti i načinu pripreme i dostave ponude. Tačkom 3.4.1 tenderske dokumentacije su definisani uslovi koji se trebaju ispuniti u vezi tehničke i profesionalne sposobnosti ponuđača: Uspješno iskustvo u realizaciji najmanje dva (2) ugovora, odnosno po minimalno jedan (1) ugovor za specijalističke poslove čiji su karakter i kompleksnost slični predmetu nabavke u prethodnih pet (5) godina ili od datuma registracije, odnosno početka poslovanja, ako je ponuđač registrovan, odnosno počeo sa radom u periodu kraćem od pet (5) godina, čija vrijednost nije niža od 100.000,00 KM sa uračunatim PDV-om po ugovoru. Opis specijalističkih poslova je jasno obrazložen u tenderskoj dokumentaciji. Ponuđač „Bijelić gradnja“ d.o.o. Brčko je dostavio dvije potvrde investitora kao dokaz za ispunjavanje uslova traženog u tački 3.4.1 tenderske dokumentacije. Iz navedenih potvrda Komisija nije mogla utvrditi kolika je vrijednost navedenih specijalističkih radova pojedinačno, te je od investitora traženo pojašnjenje istih. Nakon što su dostavljena pojašnjenja investitora, Komisija je zaključila da je ponuđač ispunio uslov koji se odnosi na realizaciju jednog ugovora od minimalno 100.000,00 KM koji se odnosi na na antikorozivnu zaštitu čeličnih konstrukcija, ali nije ispunio uslov vezan za realizaciju jednog ugovora minimalne vrijednosti od 100.000,00 KM koji se odnosi na hidroizolaciju betonskih površina. Tenderskom dokumentacijom je precizirano da je ponuđač dužan dostaviti najmanje dva (2) ugovora, odnosno po minimalno jedan (1) ugovor za specijalističke poslove,

čija vrijednost nije niža od 100.000,00 KM sa uračunatim PDV-om po ugovoru. S obzirom na navedeno, ponuđač je ocijenjen kao nekvalifikovan. Grupa ponuđača: ""TIM COMPANY" d.o.o. Brčko, "MAEL COMPANY" d.o.o. Beograd, "AS GRADNJA" d.o.o.Brčko, "GRADITELJ" d.o.o. Brčko i „ KGH INSTALACIJE" d.o.o. Brčko je dostavio jednu potvrdu koja se odnosi na poslove antikorozivne zaštite čeličnih konstrukcija i jednu potvrdu koja se odnosi na poslove hidroizolacije betonskih površina kako je i traženo tenderskom dokumentacijom. Međutim, vrijednosti po ugovoru koje su navedene u ovim potvrdama su niže od 100.000,00 KM, što nije u skladu sa uslovima propisanim tenderskom dokumentacijom. Tenderskom dokumentacijom je precizirano da je ponuđač dužan dostaviti najmanje dva (2) ugovora, odnosno po minimalno jedan (1) ugovor za specijalističke poslove, čija vrijednost nije niža od 100.000,00 KM sa uračunatim PDV-om po ugovoru. S obzirom na navedeno, ponuđač je ocijenjen kao nekvalifikovan. Oba ponuđača koja su dostavila svoju ponudu nisu ispunili traženi uslov iz tačke 3.4.1 tenderske dokumentacije. S obzirom na to da su navedene ponude bile jedine koje su dostavljene donesena je Odluka o poništenju postupka javne nabavke, a sve u skladu sa odredbama člana. 69. stav (2) tačka d) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



GRADONAČELNIK

Esed Kadrić

Kadrić